

III. OUTRAS DISPOSICIÓNS

CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES

RESOLUCIÓN do 27 de febreiro de 2024 pola que se modifica parcialmente a Resolución do 23 de outubro de 2023, conxunta da Consellería de Cultura, Educación, Formación Profesional e Universidades e da Consellería de Economía, Industria e Innovación, pola que se adxudican as axudas da Orde do 6 de xullo de 2023 pola que se establecen as bases para a concesión, en réxime de concorrencia competitiva, das axudas de apoio á etapa de formación posdoutoral nas universidades do Sistema universitario de Galicia, nos organismos públicos de investigación de Galicia e noutras entidades do Sistema de I+D+i galego, e se procede á súa convocatoria para o ano 2023 (códigos de procedemento ED481B e IN606B).

A Orde do 6 de xullo de 2023 (DOG núm. 138, do 20 de xullo), conxunta da Consellería de Cultura, Educación, Formación Profesional e Universidades e da Consellería de Economía, Empresa e Innovación, establece as bases reguladoras e a convocatoria para o ano 2023 das axudas de apoio á etapa de formación posdoutoral nas universidades do Sistema universitario de Galicia (SUG), nos organismos públicos de investigación de Galicia e noutras entidades do Sistema de I+D+i galego, en réxime de publicidade, obxectividade e concorrencia competitiva.

Pola Resolución do 23 de outubro de 2023 (DOG núm. 205, do 27 de outubro), concedéronselles as axudas de apoio á etapa de formación posdoutoral ás entidades que contraten as persoas seleccionadas que se relacionan no anexo I da citada resolución.

O artigo 17 da orde de convocatoria establece que, no caso de que se produza algunha renuncia ou outra causa de extinción da relación laboral, a entidade beneficiaria deberá comunicala á Secretaría Xeral de Universidades ou á Axencia Galega de Innovación (segundo sexa o caso), e que se poderá adxudicar unha nova axuda de acordo coa prelación sinalada na lista de espera, sempre e cando a renuncia se produza antes do 31 de decembro de 2023.

No mesmo artigo tamén se indica que as renuncias soamente poderán ser cubertas coas solicitudes da lista de espera do órgano instrutor en que se produzan e que a persoa substituta quedará suxeita ás mesmas condicións durante o tempo de aproveitamento da axuda.



A competencia para adxudicar unha nova axuda correspóndelle á persoa titular da Consellería de Cultura, Educación, Formación Profesional e Universidades no caso de novas incorporacións procedentes da lista de espera das universidades do SUG, de acordo co artigo 17.5 da Orde do 6 de xullo de 2023.

En consecuencia, atendendo ás renuncias recibidas na Consellería de Cultura, Educación, Formación Profesional e Universidades,

RESOLVO:

Primeiro. Aceptar as renuncias ás axudas de formación posdoutoral que se indican a seguir:

Nº de expediente	Univ.	1º apelido	2º apelido	Nome	Data de renuncia
ED481B-2023-135	UDC	Vieites	Lestón	Tania	23.10.2023
ED481B-2023-081	USC	Carballo	Fazanes	Aida	17.10.2023
ED481B-2023-067	USC	Sánchez	García	Carlos	18.10.2023
ED481B-2023-041	UVigo	Iglesias	Prado	José Ignacio	19.10.2023

Segundo. Aceptar a renuncia á lista de espera que se indica a seguir:

Nº de orde	Nº de expediente	Univ.	1º apelido	2º apelido	Nome
1	ED481B-2023-037	UVigo	Todisco		Emanuela

Terceiro. Concederlles as axudas correspondentes ás entidades e persoas candidatas da lista de espera das universidades do SUG que se indican no anexo I.

Cuarto. Conceder as axudas de apoio á etapa de formación posdoutoral convocadas pola Orde do 6 de xullo de 2023 ás entidades que contraten as persoas seleccionadas que se relacionan no anexo I desta resolución.

Quinto. Declarar extinguida a lista de espera.

Sexto. Redistribuír o crédito destinado ao financiamento destas axudas entre as universidades beneficiarias segundo as renuncias e as novas adxudicacións.

Univ.	Nº de axudas	Crédito (en euros)					Total
		2023	2024	2025	2026	2027	
UDC	4	20.766,60	196.833,30	206.000,00	128.713,40	9.826,63	562.140,00
USC	23	145.366,20	1.145.166,74	1.157.500,00	695.993,80	19.653,26	3.163.680,00
UVigo	13	83.066,40	625.833,37	628.500,00	396.353,60	9.826,63	1.743.580,00
	40	249.199,20	1.967.833,48	1.992.000,00	1.221.060,80	39.306,52	5.469.400,00



Sétimo. A data de comezo dos contratos será o 16 de marzo de 2024, cunha duración de tres (3) anos.

Oitavo. As entidades beneficiarias deberán remitir un escrito de aceptación da axuda á Secretaría Xeral de Universidades, no prazo de dez días contados a partir do día seguinte ao da publicación desta resolución, e vincularán as persoas seleccionadas aos seus organismos mediante a formalización do correspondente contrato.

Noveno. Contra esta resolución, que esgota a vía administrativa, as persoas interesadas poderán interpoñer recurso potestativo de reposición, ante a persoa titular da Consellería de Cultura, Educación, Formación Profesional e Universidades, no prazo dun mes a partir do día seguinte ao da notificación da resolución, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou directamente recurso contencioso-administrativo, no prazo de dous meses, ante a Sala do Contencioso-Administrativo do Tribunal Superior de Xustiza de Galicia, de conformidade cos artigos 19 e 46 da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 27 de febreiro de 2024

O conselleiro de Cultura, Educación,
Formación Profesional e Universidades
P.D. (Orde do 29.7.2022)

Manuel Vila López

Secretario xeral técnico da Consellería de Cultura,
Educación, Formación Profesional e Universidades

CVE-DOG: ryz26yn3-ufq8-ycb0-4ze0-aeqjgg9aay15





ANEXO I
Axudas concedidas procedentes da lista de espera

Universidade da Coruña

Nº de expediente	Entidade	1º apelido	2º apelido	Nome	Rama de coñecemento	Bolseiro Fulbright	1ª estadía		2ª estadía		Nota
							Datas	Zona	Datas	Zona	
ED481B-2023-125	UDC	Concheiro	Moscoso	Patricia	Enxeñaría e Arquitectura	Non	1.9.2024 ao 30.4.2026	2			85,2

Universidade de Santiago de Compostela

Nº de expediente	Entidade	1º apelido	2º apelido	Nome	Rama de coñecemento	Bolseiro Fulbright	1ª estadía		2ª estadía		Nota
							Datas	Zona	Datas	Zona	
ED481B-2023-075	USC	López	Fernández	Tamara	Artes e Humanidades	Non	1.5.2024 ao 31.12.2025	1			83,5
ED481B-2023-053	USC	Giráldez	López	Antonio	Artes e Humanidades	Non	1.6.2024 ao 31.3.2026	2			83,5

Universidade de Vigo

Nº de expediente	Entidade	1º apelido	2º apelido	Nome	Rama de coñecemento	Bolseiro Fulbright	1ª estadía		2ª estadía		Nota
							Datas	Zona	Datas	Zona	
ED481B-2022-40	UVigo	Rey	Rodríguez	Iván	Artes e Humanidades	Non	1.5.2024 ao 30.4.2025	1	1.5.2025 ao 30.4.2026	2	85,5